

INTERVJU Marinko Čavara, predsjednik FBiH, poručuje

SDA je najodgovornija za krizu u Federaciji!

Prerano se krenulo u predizbornu kampanju • Sadašnji saziv vlasti bez uspjeha ako ne bude više razgovora

Razgovarala: Maja
RENER-SMAJVIĆ

Za stanje u Federaciji, u kojoj je parlamentarna većina izgubljena, krive su sve stranke koalicije, a najviše SDA, koja često saraduje s opozicijom, i s ljevicom donosi određene zakone i odluke u Parlamentu, što narušava partnerske odnose i stvara nepovjerenje, rekao je u intervjuu za „Avaz“ Marinko Čavara, predsjednik FBiH i dopredsjednik HDZ-a BiH.

Izborni zakon

Poručio je da se mora okrenuti razgovoru i dogovoru unutar tri stranke (SDA, HDZ i SBB), ali ne isključujući i druge koje žele dobrobit BiH.

- Bilo bi neprihvatljivo reći da je neko drugi sto posto kriv što je izgubljena parlamentarna većina. U ovom slučaju tu je nespornost dogovaranja stranaka.

Najveći krivac je ambijent predizborne kampanje.

Prerano se krenulo u kampanju. Tu su i pojedinci koji žele ostvariti promidžbu da su oni jedini branitelji BiH, ili da su jedini branitelji bošnjaštva, ili ljevice, što onda stvara tenziju u odnosima. Prvenstveno moramo stvarati ambijent za dogovor. Očigledno da taj ambijent ne postoji u ovoj situaciji predizborne kampanje - ističe Čavara.

□ *Niko u koaliciji nije potpuno zadovoljan partnerom, a niko ne povlači pitanje promjene. Nema drugog izbora nego da ostane ovakvo stanje?*

- DF je izašao iz vlasti.

Ostao je još potpredsjednik

FBiH Milan Đunović, koji stalnim apelacijama nastoji otežati funkcioniranje

Taoci Općine i Vlade

□ *Skoro godinu su uredi predsjednika i dva potpredsjednika ilegalno u zgradi Predsjedništva BiH. Šta je s preseljenjem?*

- Na neki način smo taoci Općine Centar i Vlade. Vlada je ponudila rješenje, Vilu „Braun“. Općina nije dala suglasnost za korištenje tog prostora. To je veliki problem, sramota za

FBiH. Predsjednik RS ima palaču, a predsjednik i dopredsjednici FBiH nemaju ured.

Apsurd je da imamo agencije, uprave, javna poduzeća koja imaju svoje zgrade, basnoslovno skupe prostore, a vrh izvršne vlasti nema ured. Rješenje se ne nazire. Ovo gledam kao problem koji Vlada nije riješila.

vlasti. U oporbi ozbiljnija stranka koja je ostala je SDP, koji je u prošlom mandatu formirao antiustavnu, antihrvatsku platformu i time izgubio na izborima. Dakle, alternative postojećem partnerstvu realno nema. Ako smo svjesni toga, ne razumijem zašto ne postoji veća spremnost da rješavamo temeljna pitanja počev od izbornog zakona, da budemo partneri, a ne kada nam odgovara da pozovemo oporbu da glasa sa SDA.

□ *Vlada funkcionira, Predstavnički dom, uključujući i Klub HDZ-HNS, usvojio je Zakon o PIO, a na Domu naroda je pao jer su suzdržani bili delegati iz HDZ-a. Šta se dešava?*

- Došlo je do

nesuradnje između Doma naroda i Vlade. Novi zakon nosi znatno smanjenje mirovina u nekim oblastima. Nije bilo spremnosti za kompromis da se smanjenja naprave postupno, da ne dobijemo smanjenje nekoliko stotina KM za isto zanimanje po starom i novom zakonu. Ovaj prijedlog Kluba dogodio se vjerojatno zbog pritiska kantona i zanimanja.

Ubrzati reforme

□ *Kakav uspjeh sadašnjeg saziva vlasti možemo očekivati?*

- Ne možemo biti zadovoljni stanjem dok god je nezadovoljna većina građana. Reforme treba ubrzati, to smo trebali i mnogo ranije. Ne postizemo dogovore o svim pitanjima. Očito je potrebno više komunikacije između Vlade i zastupnika, između jednog i drugog doma, više koordinacije i razumijevanja. Ako ne bude toga, ne možemo imati neki uspjeh.

Čavara: SDA narušava partnerstvo

(Foto: A. Kuburović)

